

Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Negotiationis
Spiritualis Industriis

Družbicki, Kaspar

Ingolstadii, 1732

VD18 90066367

Industria XXIX. In Actionibus nostris anticipare punctualem esse, ultra
tempus morari, item ægrè & tarde agere, eadem præscindere, ac
breviare, summi meriti.

urn:nbn:de:hbz:466:1-45372

Hæc Industria usum sui habebit utilissimum in plerisque sive præmissis sive subtexendis Industriis: nisi enim ejus in illis habita fuerit ratio, ferè nullus earum fructus erit: omnes siquidem vigorem & efficaciam ab hac accipere debent, atque adeo etiam omnes istam supponunt. Quod consultò adjeci, ut hujus Industriæ usum, tantò efficaciùs explicarem, atque explicando persuaderem. verè enim sic res habet & non aliter, ut experienti patebit.

INDUSTRIA XXIX.

In Actionibus nostris anticipare; punctualē esse, ultra tempus morari, item agrē & tardē agere, easdem præscindere ac breviare, summi meriti est.

194.

HAc unâ Industria quinque modos & veluti Industrias crescendi in merito per nostras actiones expediam.

Prima est, agere quæ agere debemus (ex obedientiâ, vel sponte, vel aliâ quâvis causâ) in puncto temporis, quo agenda est aliqua res. Hanc rationem agendi S. Pater noster Ignatius præcepit Societatis hominibus, quos vult, auditio signo alicujus rei agendæ, statim convolare ad illam agendam, etiam literâ inchoatâ imperfectâ relictâ, sive lectâ, sive scripta ea sit.

Talem

Talem punctualem operum peractionem servasse videtur Patriarcha Noë, de quo testatur Sacra Scriptura, quod *in articulo diei illius*, quo Iesus est à Deo arcum intrare, ingressus sit. Eandem rationem suadere videtur Sapiens, quando monet? *Particula boni doni non te prætereat.* quasi dicat: Si quid boni aucturus vel donaturus es Deo, vel certè si quid doni à Deo percepturus es in ejus servitio, vide, ut ad punctum accurras, nec vel primam, unamve particulam boni doni negligas offerre, aut accipere. Similis punctualis executio atque operatio innui videtur, in illa parabola de decem Virginibus, præcipue in illis verbis, *Media nocte clamor factus est, Ecce sponsus venit, exite obviam ei, Tunc surrexerunt Virgines illæ: Tunc, dicitur, quasi illo eodem punto momentoque temporis.* Similiter & in illa frequenti Dominica exhortatione, qua exhortatur servos fideles & prudentes ad vigilandum, ut in *quacunque horâ Dominus revertatur à nuptiis, confessim aperiant ei.* Christo quoque Domino familiare illud: *Nondum venit hora mea, Hæc est hora vestra: Propterea veni in horam hanc: Venit hora. Exiit summo mane conducere operarios. iterum exivit horâ 3. Et tempus meum nondum advenit.* Salomon quoque, Fili, ait, *Observa Tempus.* Per magni ergo meriti est apud Deum, ad punctum agere quæ agenda sunt, & non ea tantum quæ agendo sunt ex obedientiæ præscripto, sed etiam ex proprio arbitrio, ex voluntaria dispositione, ex Caritatis fraternali studio. estque hoc, tum signum, tum exercitium Domini super se, mortificationis-
que

que affectuum, etiam in rebus non illicitis, quæ
est rara Virtus.

195.

Secunda est, agere anticipatō, hoc est, etiam non expectato tempore præscripto, vel spontē designato, nisi aliquid obstat, cujus sit ratio habenda, vel nisi anticipatio vitiosa sit; ut esset in delectabilibus sensuum, vel laudem admiracionemque hominum parientibus: in his enim non anticipatione, sed potius mora est utendum, ut infrā dicetur. Causa hujus anticipatē agendi modi est, quia qui citō dat bis dat: hoc est, quia anticipatio illa fervorem & alacritatem cordis designat in servo Dei: hilarem autem datorem diligit Deus, & solutio anticipata, gratissima est, tum apud omnes, tum apud creditores negotiatoresque præcipue, & provocat ad credendum creditorem; Fidelitatem enim & securitatem creditorū facit, & timorem molestiæ in exigendo debito adimit; quod ipsum homo respectu Dei dum facit, non potest DEO non placere, consequenter, non possunt hi anticipati actus, Deo non esse gratissimi, summiq[ue] apud Deum meriti.

Bonus ergo Negotiator Spiritualis, opera sua, quæ Deum, quæ proximi charitatem, quæ laborem, quæ molestiolum concernunt, & in quibus anticipatis nihil sensui, vel proprio compendiolo indulgetur, curet facere, atque inchoare anticipatō, neque signum faciendi expectet, sed antequād ipsum signum detur, jam paratus sit, vel etiam jam inchoasse, agere à signo agendi inventatur.

niatur. Exaggerabitur enim per hoc obedientia, Charitas, fervor, disciplinæ exactio, vitæ communis observantia, fidelitas, &c. accedit exemplum bonum communitatij fratum &c.? recedetur procul à tempore, à dilatione &c. vitabitur illud, quod Sapiens in pigro servo notat, horâ surgendi non te trices ad parietem; implebitur verò illud, quod idem laudat in ferventis servo; Vidisti servum ve- locem in opere suo? coram Regibus ministrabit. Et verè dignus est Regali obsequiō, qui antici- pare consuevit in officio. Hanc anticipationis consuetudinem de se ipso David confitetur, Et scilicet nobis commendat cum ait: *Præveni in ma- turitate & clamavi. Prævenerunt oculi mei ad te diluculō. Præoccupemus faciem ejus in confes- sione.*

196.

Tertia ratio est, agere cum prolongatione & protractione temporis, quo aliquid agendum est, ita, ut non tantum non brevifur tempus, non tantum non in puncto cesseretur (nisi id quoque ut cesseretur, obedientia cogat, vel ratio dicet, hīc & nunc) sed ut paulusūm etiam producatur, ut sit opus supererogatorium, ita ut sit mensura or- perum nostrorum non tantum plena, sed etiam coagitata, supereffluensque & conferta. Hæc ratio, in iisdem objectis habet locum, in quibus & præcedens, non habet verò in quibus & præ- cedens. hanc rationem, servatam passim, com- mendatamque in gestis Sanctorum leges; quod nempè primi & ante tempus etiam, ad opus, ad laborem, ad vigilias, ad ministeria fratum, ad Psalmos, ad locum pænitentiæ, ad Orationem con-

190 *Industria Negotiationis*

convolarint, ultimi verò ab his discedere soliti fuerint. Est enim hæc agendi ratio signum fervoris, fidei, obedientiæ, infatigabilis animi, insatiati obsequio Dei cordis, perseverantiæ.

Hanc rationem & exegit & sine præmio non futuram promisit Samaritanus ille piissimus, qui dixit stabulario de ægroto, *Curam illius habe, & quodcumque supererogaveris, ego cùm rediero, reddam tibi.* Hoc etiam videtur innuere illa parabola seminis in terram bonam lapsi, *quod affert frumentum, non tantum simulum, sed trigesimum, sexagesimum, centesimum.* Hoc & illa distributio pecuniae ad usuram videtur velle.

197.

Quarta ratio est, agere cum aliquâ morâ & dilatione, hæc locum habet in delectabilibus objectis, in sensualibus, in parentibus commendationem laudemve, in iis, ad quæ inordinatiūs propendere nos sentimus, ut sunt cibi sumptio aut potūs, præsertim cùm vel sitis, fames, vel cupiditas inordinatiūs urget, frenanda enim est impotentia, per moram aliquam spontaneam. Item recreaciones, spectacula festiva, curiosarum rerum aspectus, auditus &c. aggressio officiorum vel operum speciosorum, prolatio alicujus sermonis vel dicti arguti, acuti, ingeniosi &c. narratio alicujus rei cùm laude propriâ conjunctæ. In his, & similibus mora, dilatio, repugnantiaque est laudabilis; modo, ne sit fastidiosa, affectata, refractaria obedientiæ, & in damnum (spirituale præsertim) tertii. Sic Saul declarandus Rex populi Israël, abscondit se. Sic, unctus in Regem,

illigo

illlico rediit ad greges ovium pascendos. Sic, Christus rapiendus ad Regnum fugit, qui rapiendus ad crucem, sponte obviam ivit raptoribus.

Quinta ratio est, Agere cum abbreviatione, tum temporis, tum actionis ipsius. Habet ratio ista locum in iisdem, in quibus proxima. Quæ enim sunt illius generis, hæc, sicut ægrè sunt inchoanda, ita ægrè continuanda, ægrè ad finem, & quidem quamprimum (salvis salvandis, puta obedientiâ, charitate, idemnitate,) deducenda. In talibus, dum aguntur, gustus est subtrahendus, voluptas & complacentia, vel impedienda, vel retinenda ac diminuenda, vel perpetienda tantum, & quamprimum exutienda, juxta illum S. Aug. in cibis sumendis (& eadem servari debet in reliquis delectabilibus) regulam. Ait ille ad Deum: Hoc me docuisti, ut alimenta tanquam medicamenta sumpturus accedam. Hinc illa tædia Sanctorum super cibos, super officia honorata, & prælationes, hinc fugæ ab officiis gestis; hinc fuga in loca ignota, si quando in suis inclaruissent plus, quam vellent.

198.

Fundamentum autem hujus totius, in his quinque modis agendi traditæ doctrinæ, est illud, quod alicubi S. Greg. observat. Docet ille; Obedientiam, aliquando debere habere aliquid de suo, hoc est, de obedientis appetitu & inclinatione; aliquando nihil omnino. Si obedienti imperentur vilificantia ipsum, molesta, ardua, laboriosa; ad hæc advolare, festinare; in his hæc rere, & morari sponte & libenter debet; hæc etiam ambire, ex odio sui, & studio contemnendi affligendique sui potest, immo debet. at verò si obe-

obedienti imperentur delectabilia, speciosa, grata;
ab his refugere, ad hæc, ægrè, cum repugnantia
(subjectâ tamen cui subjicienda est) accedere de-
bet, in his affici rædio, his liberari, cupere debet,
& pro suo posse curare, & cùm potest licet, ex-
cutere ac fugere.

199.

Fundamentum hujus ipsius est, quia quæ sunt
molesta & vilia, ab Amore proprio plerumque
fugiuntur, ergo strenuus pugil, ut amori proprio
ægrè faciat, utque seipsum vincat, ad ea festinat,
eaque ambit, quæ sensui, honori, voluntati, ju-
dicio, famæ, vitæ commodis, proprioque amo-
ri sunt inimica: sic enim ab amore proprio fit re-
motissimus, & consequenter tutissimus, Chri-
stoque simillimus. E contra, quæ sunt mollia,
grata, honorifica, placita, quæ amorem proprium
pellicunt & irritant, ad hæc ille festinat, hac
ambit. Strenuus ergo bellator, ut hæc quoque
amori proprio, ossam cupidam subtrahat, ab his
penitus refugit, & repugnat; & nisi cogatur, vel
naturæ, vel obediendi, vel Caritatis necessitate,
illa ne quidem attingit, & in his coactus ac ge-
mens hæret: hæc, quandocunque potest licet,
executit, ut à periculo serviendi amori proprio,
remotissimus sit. Inde est, quod ad ea, quæ vel
sunt inimica amori proprio, vel nihil ei comme-
di afferunt, vir spiritualis, & sponte & anticipa-
tò, & libenter vadit, in iisque moras trahit, tan-
quam in suæ securitatis regno, ad ea verò, quæ
sunt amori in deliciis, non nisi tardè, & cum mo-
râ, atque invitus ac gemens vadit; ab his verò,

tan-

tanquam ex laqueis & retibus Diaboli, libentissimus abit.

Quod autem dixi proximè de obedientiâ ex S. Gregorio, hoc ipsum dico de omni opere, quodcunque Viro spirituali agendum est, vel ingratum sensui amoriique, vel gratum eidem. In illo enim multum de suo, in isto autem nihil de suo affectu & conatu debet habere, ad illud anticipare, vel in puncto saltem temporis advolare, & tarde ab eo abire debet; ad istud ægrè pertrahi, ægrèque illud sustinere, & denique, cùm primum commode, id est licet, potest executere.

INDUSTRIA XXX.

Per substitutionem voluntariam vocis, aut signi unius pro multis actionibus, copia meritorum compendio conquiri à nobis potest.

Et apud Philosophos nota doctrina, Voces humanas esse signa ad placitum, quibus homines inter se sensus animorum suorum communicant. Esse autem signum ad placitum, vel ex placito, est secundum eosdem aliud nihil, quam convenisse & conspirasse, propriæ voluhtatis libero placito homines, ut
K.P. Druzb. Op. IV. N hz

200.